

-nia terus tau hamutuk ho Ita-nia Oan nian, lori rahun-di'ak ba Kreda tomak.

Ami agradese ba moris ita haraik mai ami, ba ami-nia família ne'ebé iha ksolok no susar, iha serbisu no laran-luak kontinua tau matan ba nia membru sira.

AMI AMAN

Orasaun Finál: Maromak, ami Aman,
Ita ne'ebé haroman ema ida-idak iha mundu ne'e,
Halo Ita futar oin nia roman nabilan iha ami,
Atu ami nia hanoin tuir nafatin Ita-nia matenek
No ami bele haodmi Ita ho fuan loos.
Ami husu ne'e hodi ami-nia Na'i Jezús Kristu
nia naran hamutuk ho Espíritu Santu.

Bensan Santíssimo

Tantum ergo Sacramentum
Veneremur cernui:
Et antiquum documentum
Novo cedat ritui:
Praestet fides supplementum
Sensuum defectui.

Genitori, Genitoque
Laus et iubilatio,
Salus, honor, virtus quoque
Sit et benedictio:
Procedenti ab utroque
Compar sit laudatio.
Amen.

Knananuk finál – Ami fiar Jezús, ami Na'i

ADORASAUN EUKARÍSTIKA



«Hametin imi-nia fuan sira» (Tg 5, 8)

(Kwarezma 2015)

ADORASAUN

HAMETIN ITA-NIA FUAN

Introdusaun: Papa Francisco iha ninia mensajen ba Kuarezma tinan ne'e hakerek: "Ita la bele ignora forsa husi ema wain nia orasaun! Inisiativa Oras 24 ba Na'i, ne'ebé ha'u hein selebra iha Kreda tomak – iha nivel diosezanu mós – iha loron 13 no 14 Marsu nian, hakarak sai espresaun kona-ba nesesidade orasaun nian ida-ne'e". Orasaun loron rua ne'e nian ho objetivu atu "hametin ita-nia fuan" no kombate indiferensa. Mai ita tau an tomak iha Maromak nia prezensa hodi adora no husu nia laran-sadia mai ita nia hahalok hotu indiferensa nian ba ita-nia maluk sira.

Knananuk: (ba espozisaun Santíssimo)

Eukaristia sakramentu boot tebes

Na'i Jezús nia futar Isin loloos;
Ai-han moris ba ita ema sira
Be hakat bá tuir dalan lalehan.
Anju sira hotu no mós santu tomak
Halibut an, hana'i, hahí Jezús!
Na'i Jezús hiit An mai ami lorloron
Harai ai-han futar Isin no Raan.

Grças e louvores....

Parte I – «Membru ida terus karik, ho nia terus membru hotu» (1 Cor 12, 26)

Rona Maromak nia Liafuan (1 Cor 12,12-26)

«Nu'udar isin lolon ida de'it, maibé liman-ain barak, no liman-ain ida-ida, maski barak halo isin lolon ida de'it, nune'e mós Kristu. Basá iha Espíritu ida de'it ita hotu simu baptizmu ba isin lolon ida de'it, biar ema Judeu ka ema gregu, atan ka la atan, no ita hotu bele hemu housi Espíritu ida de'it. Basá, isin lolon la'ós liman-ain ida de'it, maibé barak. Ain dehan karik, "Tan ha'u la'ós liman, ha'u la'ós isin lolon nian," la'ós tan ne'e mak nia la'ós isin lolon nian. Ka tilun dehan karik, "Tan ha'u la'ós matan ida, ha'u la'ós isin lolon nian," la'ós tan ne'e mak nia la'ós isin lolon nian. Isin

Haraik mai ha'u ita nia ksolok dala ida tan,
Ho espíritu laran luak nian tulun ha'u.
Atu ha'u bele hanorin oinsá hakat liu ita dalan.
No maksalak sira bele fila ba ita boot.

Soi ha'u, oh Maromak ha'u nia tulun,
No ha'u nanál sei haklaken ita nia di'ak.
Oh Nai, loke ha'u nia ibun,
No ha'u ibun sei haklaken hahí ita.

Parte IV – Momentu Agradesimentu: "Ha'u agrade se ita, tan Ita rona ha'u. Tanba Ita mak ha'u-nia makso'in" (Sal 117, 21)

Modu di'ak liu atu agrade se Na'i mak halo atu domin ne'ebé ita simu, ita fahe ba ema hotu, nune'e halo nia sai boot liután, hodi hatudu ninia furak hotu. Mundu presiza naroman ne'e, atu bele hananu filafali iha ksolok. Mai ita esprime ita-nia gratidaun ba Na'i, ba prezente hotu .

Ita sei hatán ho refraun: ***Fó obrigadu ba ita Na'i!***

1. Ami agrade se Ita Na'i, ba Kreda, tanba ita liuhusi kontinua haraik mai ita-nia laran-sadia no perdaun liuhusi sakramentu sira.
2. Ami agrade se ita ba amlulik sira ne'ebé ho sira-nia ministériu sai medi-adór entre Ita no ami.
3. Ami agrade se ba relijiozu/a sira ne'ebé saran an tomak ba Ita no ba maun-alin sira. Tulun sira fiél nafatin iha sira-nia vokasaun no misaun.
4. Ami agrade se ba katekista sira, edukadór/a sira fiar nian no siénsia nian. Haraik ba sira konsolasaun no saude atu kontinua sira-nia misaun ho ksololo.
5. Ami agrade se ita ba labarik no foin-sa'e sira, forsa foun ba Kreda no sociedade. Atu sira bele sai boot iha matenek no grasa.
6. Ami agrade se ba sarani sira ne'ebé moras no terus persegisaun. Ho sira

liga sira? Na'i nia don/prezente sira ne'ebé ó iha, “ba ema hotu nia di'ak?” Ó nia ibun lais atu kritika, murumura..., kritika sira ne'ebé halo buat ruma, haka'as an iha buat ruma enkuantu ó la halo buat ida?

ITA HUSU MAROMAK NIA PERDAUN

SALMO 51 (reza koru troka malu)

Maromak, iha ita nia laran di'ak sadia ha'u
Halakon ha'u nia salan iha ita laran luak
Fase moos ha'u no fase moos ha'u hosi salan,
no hamoos ha'u hosi ha'u nia salan.

Ha'u hatene ha'u nia hahalok aat sira
Ha'u salan iha ha'u oin beibeik
Hasoru ita, ita de'it mak ha'u sala hasoru
Buat aat ha'u halo iha ita futar oin.

Atu ita justifika wainhira ita tesi lia
No la hetan sala wainhira ita halo justisa.
Ita haree, iha salan ha'u moris
Ha'u ema maksalak ida husk kedas inan nia knotak

Tebes, ita hadomi lialoos iha fuan,
Hafoin iha ha'u fuan laran ita hanorin ha'u matenek.
Purifika ha'u no ha'u sai moos,
Fase ha'u no ha'u sei sai mutin liu kalohan.

Halo ha'u rona haksolok no kontenti,
Atu ruin sira be ita harahun bele sai tomak fali.
Hosi ha'u salan sira ita fila kotuk

No halakon ha'u nia hahalok aat hotu.

Maromak haraik fuan moos ida mai ha'u,
Tau espíritu firme iha ha'u laran.
Keta soe dook ha'u hosi ita nia prezensa,
No hasai ita nia Espíritu Santu hosi ha'u.

lolon tomak matan karik, bele rona housi ne'ebé? Isin lolon tomak tilun karik, bele horon husi ne'ebé? Maibé nune'e ho nune'e, Maromak tau liman-ain sira ida-ida iha isin lolon nu'udar Nia hakarak. Sira hotu liman-ain ida de'it karik, isin lolon tomak iha ne'ebé? Maibé, nune'e ho nune'e, iha liman-ain barak, maibé isin lolon ida de'it. Matan la bele dehan ba liman, “Ha'u la kuran ó,” no mós ulun la bele dehan ba ain, “Ha'u la kuran imi.” Tebes duni, isin lolon nia liman-ain ne'ebé kbiit la dun iha mak sira ne'ebé folin liu, no sira ne'ebé ita hanoin katak kmanek la dun iha, iha hale'u ho kmanek boot liu, no sira ne'ebé la dun furak, ita hafurak liu tan, no sira ne'ebé furak ona la kuran ne'e. Maibé Maromak halo isin lolon nune'e atu fô kmanek liu ba ida ne'ebé kmanek la iha, atu la bele fahe malu iha isin lolon, maibé atu liman-ain sira bele hanoin malu. Liman-ain ida terus karik, liman-ain hotu terus hamutuk ho nia; liman-ain ida simu kmanek karik, liman-ain hotu haksolok ho nia».

Silénsiu badak.

Husi Papa Francisco nia mensajen

L1 Ho ninia hanorin no liuliu ho nia sasin, Kreda oferese mai ita Maromak nia domin, ne'ebé sobu dadur mate nian iha ita-nia an rasik, katak indiferensa. Maibé, ita bele fô sasin de'it buat ne'ebé molok ne'e ita koko tiha ona. Sarani mak ema ne'ebé husik Maromak hafutar nia ho Ninia laran-di'ak no laran-sadia, hafutar nia ho Kristu atu sai, hanesan Nia, Maromak no ema sira nia atan. Liturjia Loron Kinta Santa nian fô hanoin kona-ba ne'e mai ita ho ritu fase-ain nian. Pedro lakohi atu Jezús fase nia ain sira, maibé ikusmai nia komprende katak Jezús la iha intensaun de'it atu fô ezemplu kona-ba oinsá ita tenke fase ain ba malu; servisu ne'e, ema ne'ebé husik atu Kristu fase uluk nia ain de'it mak bele halo. Ema ida-ne'e de'it mak «iha parte ho Nia» (kf. Jo 13, 8), nune'e bele serví ema.

Ref: Hadomi ha'u la soi, Maromak ha'u la soi!

L2 Kuarezma mak tempu di'ak atu ita husik Kristu serví ita no, nune'e, nakfilak ita-nia an hanesan Nia. Buat ne'e bele akontese bainhira ita rona Maromak nia Liafuan no simu sakramentu sira, katak Eukaristia. Iha Eukaristia, ita nakfilak an ba Nia ne'ebé ita simu: Kristu nia isin. Iha isin ne'e, la iha fatin ba indiferensa ne'ebé, dalabarak, parese sai na'in ba ita-nia fuan sira; basá, ema ne'ebé Kristu nian, pertense ba isin ida mesak no,

iha Nia, ema ida la hateke ba ema seluk ho indiferensa. «Nune'e, membru ida terus karik, membru hotu terus ho nia; membru ida simu onra karik, membru hotu partisipa iha nia ksolok» (1 Cor 12, 26).

Ref: Hadomi ha'u la soi, Maromak ha'u la soi!

L3 Kreda mak *communio sanctorum*, la'ós de'it tanba, iha nia, Santu sira hola parte maibé mós tanba komuñauun buat hotu ne'ebé santu: Maromak nia domin, ne'ebé hatudu an iha Kristu, no nia don sira hotu; no, entre sira -ne'e, tenke inklui mós resposta husi ema barak ne'ebé husik domin ne'e hakohak sira. Iha komuñauun Santu sira nian no iha partisipasaun iha buat santu sira, buat ne'ebé ema ida-idak soi, la rai de'it ba nia an rasik, maibé buat hotu ba ema hotu. No, tanba ita liga malu ho Maromak, ita bele halo buat ruma ba ema sira ne'ebé dook, ba ema sira ne'ebé ho ita-nia kbiit rasik ita labele to'o bá: ita harohan ho sira no ba sira ba Maromak,atu ita hotu loke an ba Nia obra salvasaun nian.

Ref: Hadomi ha'u la soi, Maromak ha'u la soi!

Invokasaun sira: Ita husu Na'i atu habiit ita-nia fiar, esperansa no karidade no halo Kreda konxiente kona-ba maun-alin sira nia presiza.

Ita sei hatán: Rona ami, Na'i.

- Atu Kreda besik nafatin ba ema nia laran la-hakmatek no esperansa sira;
- Atu sarani ida-idak sai misionáriu/a sira ita-nia Evanjellu nian;
- Atu sarani sira iha rai sira ne'ebé ema persege no rai-kunan ba sira metin nafatin iha sira-nia fiar;
- Atu povu hotu bele koñese Ita, liuhusi sarani sira nia sasin;
- Atu família ida-idak hetan kbiit husi fiar, husi Paun Moris nian;
- Atu oan sira ne'ebé Ita salva keta namkari iha aat nia liman;
- Atu Maria, Ita no ami Inan, tahan ami iha ami-nia dalan;
- Atu ami bele kontempla ba beibeik ita-nia Liafuan;
- Atu ami bele hakohak liután Ita iha ami-nia moris;
- Atu iha sofrimentu mós, ami-nia esperansa la mate;
- Atu ami filafali ba Ita, ho fuan tomak.

Knananuk: Imi keta ta'uk

Ref: Haraik laran mai ha'u, boot atu hadomi, haraik laran mai ha'u, barani atu hafunu!

Silénsiu

REFLESAUN PESOÁL NO EZAME KONXIÊNCIA NIAN

G: S.Agostinho habadak Na'i nia hanorin iha liafuan sira ne'e: "Iha orientasaun fundamentál posivel rua de'it iha moris: hadomi an rasik to'o despreza Maromak no hadomi Maromak no maluk sira to'o despreza an rasik".

ITA HATEKE BA ITA-NIA AN HO MAROMAK NIA MATAN:

SAIDA MAK OKUPA Ó-NIA HANONIN?

Hanonin depresaun nian... falta konfiansa ian ba Maromak... despreza an rasik...

Hanonin atu manán no hanoin sasán sira... buka liu mak prazér sira... Hanoin divizaun nian, tau sees ema... Hanoin aat ba ema seluk... julga sira no la valoriza sira...

SAIDA MAK OKUPA Ó-NIA FUAN?

"O hadomi liu an rasik (egoista liu)... to'o la hanoin liu ba maluk sira... Sentimentu saida mak ó haburas iha ó-nia fuan kona-ba ema seluk... Ba ó importante mak ó iha sasán sira, osan, hp... no ó la interese buat seluk?

Se ó hadomi ema ruma, ó-nia domin sai pretestu ida atu instrumentaliza nia, halo nia objetu de'it? Ema sira ne'ebé kiak, ema moras sira no ema mesmesak sira, hetan ó-nia atensaun, sai pontu interese nian ba ó? Ó rai kunan, ódiu, laran-moras... ó lakohi perduá?

SAIDA MAK ORIENTA Ó-NIA HAHALOK SIRA?

Buat ne'ebé ó halo, ó halo atu realiza Maromak nia projetu ba ó nia moris?... Ó buka halo buat hotu atu halo ema seluk kontente de'it... ó hao ba ó-nia di'ak no oinsá ó halo: estudu, serbisu, deskansu/relax... Tempu hira mak ó fó ba Maromak...ba nia Liafuan, ba orasaun? Oinsá ó pratika ó -nia fiar...sakramentu sira, Misa? Nia mak toman ida eh hilin ida moris nian? Saida mak ó halo ba ema sira ne'ebé presiza ó...; ó indiferente eh la

fuan, basá Na'i besik ona atu hiit an mai. Keta murmura hasoru malu, maun-alin sira, atu imi la hetan lia kro'at. Lia-na'in hamriik ona iha odamatan. Maun alin sira, nu'udar ezemplu terus no pasiénsia nian, haree ba profeta sira ne'ebé ko'alia iha Maromak nia naran. Ita hanaran rahun-di'ak sira ne'ebé laran metin. Imi rona oinsá Job laran metin, no imi haree tiha Na'i nia hakarak; oinsá Na'i laran luak no di'ak. Maibé, uluk liu, maun-alin sira, keta jura, husi lalehan eh husi rai eh husi juramentu naran de'it, maibé imi nia "loos" mak "loos" no imi nia "lae" mak "lae", atu imi labele monu ba susar todan. Imi ida terus karik? Nia sei harohan bá. Imi ida haksolok? Nia sei hananu knananuk hahí nian bá. Imi ida moras? Nia sei bolu katuas Kreda nian bá; sira sei harohan ba nia, no nia halo sala karik, nia sei hetan perdua».

Silénsiu badak.

L1 - Nu'udar individu u ita mós iha tentasaun indiferensa nian. Ita nakonu ho notisia no imajen impresionante sira ne'ebé relata mai ita sofrimentu umanu, hodi sente iha tempu hanesan ita-nia kbiit-laek atu intervein. Saida mak tenke halo atu keta husik espirál terrór no kbiit-laek ne'e tolan ita? Uluknanai, ita bele harohan iha komuñau ho Kreda rai nian no Lalehan nian. Ita labele ignora forsa husi ema wain nia orasaun!

Ref: Haraik laran mai ha'u, boot atu hadomi, haraik laran mai ha'u, barani atu hafunu!

L2 - Ita bele lori tulun, ho jestu sira karidade nian, ba ema ne'ebé hela besik ita nune'e mós ba ema ne'ebé hela dook, liuhusi organizmu karitativu sura-laek Kreda nian. Kuarezma mak tempu di'ak atu hatudu interese ne'e ba ema seluk, liuhusi sinál ida – maski ki'ik, maibé konkretu – ita-nia partisipasaun nian iha umanidade komún ne'ebé ita hotu iha.

Ref: Haraik laran mai ha'u, boot atu hadomi, haraik laran mai ha'u, barani atu hafunu!

L3 – Maluk nia sofrimentu konstitui apelu ba konversaun, basá maluk nia nesesidade fó hanoin mai ha'u, frajilidade ha'u-nia moris nian, ha'u-nia dependénsia ba Maromak no maluk sira. Ita husu karik ho haraik an Maromak nia grasa no simu ita-nia limite sira ita-nia possibilidade nian, entaun ita sei konfia iha possibilidade rohan-laek ne'ebé Maromak nia domin rai hela. No ita bele reziste tentasaun diablu nian ne'ebé lori ita atu fiar katak ita mesa-mesak bele salva an rasik no salva mundu.

Imi keta ta'uk, Ha'u horik ho imi;
Buka halo di'ak, tuir ukun domin.
La'o buka ksolok, matak malirin
ho soin lalehan, soin moris rohan-laek.

Hai, manán loos sá, hai, manán loos sá?
Buka mundu nia ksolok, sei la manán buat ida.

Ai-funan foin buras, sei namlaek ikun,
mundu raiklaran sei mohu nabeen,
maibé domin Maromak sei roman beibeik,
leno ami fuan; buka moris lalehan.

Parte II – «Ó-nia alin iha-ne'ebé?» (Gn 4, 9)

Rona Maromak nia Liafuan (Mt 25, 31-40)

«Wainhira Oan Mane mai iha nia glória ho nia anju sira hotu, Nia sei tuur iha nia kadunan glória nian. Povu hotu sei halibur an iha nia oin. Nia sei haketak ema sira hanesan bibi-atan haketak bibi-malae husi bibi-timur. Nia sei tau nia bibi-malae iha nia sorin kuana, bibi-timur iha nia sorin karuk. Tuir mai, liurai sei dehan ba sira ne'ebé iha nia sorin kuana: 'Mai, imi ne'ebé Ha'u Aman fó bengan, mai simu nu'udar liman-rohan reinu ne'ebé hadia hela ba imi hori mundu hahú. Basá Ha'u hamlaha, imi fó han Ha'u; Ha'u hamrook, imi fó hemu Ha'u; Ha'u la'o rai, imi simu Ha'u; Ha'u isin tanan, imi fó hatais Ha'u; Ha'u moras, imi ba haree Ha'u; Ha'u iha dadur laran, imi ba haree Ha'u.' Iha oras ne'e ema di'ak sira sei hatán ba Nia: 'Na'i, wainhira loos mak ami hare Ita-Boot hamlaha, ami fó han; hamrook, ami fó hemu? Wainhira loos mak ami haree Ita-Boot la'o rai, ami simu; eh ho isin tanan, ami fó hatais? Wainhira loos mak ami haree Ita moras eh iha dadur laran, ami ba haree ?' Liurai sei hatán ba sira: 'Ha'u dehan lialoos ba imi: wainhira imi halo buat ne'e ba ha'u nia alin kiik sira ne'e ida, imi halo mai Ha'u rasik».

Silénsiu badak.

L1 – Hamutuk ho Santu sira, ne'ebé hetan sira nia totalidade iha Maromak, ita halo parte iha komuñau ida iha-ne'ebé domin manán indiferensa. Kreda Lalehan nian la'ós triunfante, tanba husik ona ba kotuk

susar sira mundu nian no goza mesa-mesak ksolok rohan-laek; maibé, Santu sira bele kontempla no haksolok tanba sira manán ona ho modu definitivu indiferensa, fuan toos no ódiu, hodi Jezús nia mate no moris-hi'as nia kbiit. No, enkuantu vitória domin nian ida-ne'e la hakonu mundu tomak, Santu sira la'o ho ita, ne'ebé sei la'o rai. Ita mós partisipa iha Santu sira nia méritu no ksolok no sira hola parte iha ita-nia luta no ita -nia hakaran dame no rekonsiliaun nian. Mai ita, sira-nia ksolok ba Kristu moris-hi'as nia vitória mak kbiit nia hun atu manán forma wain indiferensa nian no fuan toos nian.

Ref: Ita sei hadomi malu ho laran moos, atu Maromak hela nafatin ita leet!

L2 – Komunitade sarani ida-idak simu bolun atu hakat liu odamatan ne'ebé tau ita iha relasaun ho sociedade hadulas ita, ho kiak sira no ho ema fiar-laek sira. Kreda mak, tuir nia natureza, Kreda misionária, la taka an iha an rasik, maibé Maromak haruka nia ba ema tomak.

Ref: Ita sei hadomi malu ho laran moos, atu Maromak hela nafatin ita leet!

L3 – Misaun ne'e mak sasin iha pasiénsia kona-ba Ida-ne'ebé hakarak lori ba Aman realidade no ema tomak. Misaun mak buat ne'ebé domin labele hamnook. Kreda tuir Jezús Jezús Kristu iha lurón ne'ebé lori nia ba ema ida-idak to'o iha mundu nia rohan (kf. Apóstt 1, 8). Nune'e ita bele haree, iha ita-nia maluk, maun- alin, biin-alin, ida ne'ebé Kristu mate no moris hi'as bá. Buat hotu ne'ebé ita simu, ita simu mós ba sira. No, viseversa, buat hotu ne'ebé maluk sira ne'e soi mak don ida ba Kreda no ba umanidade tomak.

Ref: Ita sei hadomi malu ho laran moos, atu Maromak hela nafatin ita leet!

Invokasaun sira:

Ita husu Na'i atu fatin sira iha-ne'ebé Kreda hatudu an, ho modu partikulár ita-nia parókia no comunidade sira, sai illa ida laran-sadia nian iha tasi indiferensa nia klaran!

Ita sei hatán: Haboot ami-nia domin, Na'i.

- Atu bispu sira moris tuir ezemplu Bibi-Atan Di'ak, gia, hanorin no bali nia bibi sira hodi saran moris rasik ba bibi sira no defende sira husi asu-fuik sira.

- Atu amlulik sira sai ministru Maromak nia laran-sadia no lalehan nia rikusoin sira iha haraik-an no laran-manas.
- Atu ema konsagradu/a sira moris iha fidelidade no radikalidade Evanjellu laran-sadia nian.
- Atu katekista sira sai sasin loos kona-ba buat ne'ebé sira haklaken, iha liafuan no hahalok.
- Atu comunidade sarani sira moris loloos ukun-fuan domin no perdua malu nian.
- Atu sarani sira la karak atu fahe sira-nia soin ba maluk sira ne'ebé hamriik iha sira-nia odamatan hodi husu tulun!

Knananuk - Domin loloos

Domin loloos la buka an rasik
Maibé hakarak ema seluk nia di'ak
Domin loloos hakribi an rasik
Tan de'it hakarak belun sira nia di'ak

Domin, oh domin, domin, liafuan Kristu nian
Domin, oh domin, domin, liafuan Maromak nian.

Kristu, Ó hakarak ha'u hadomi ha'u maluk sira
Maibé hadomi tuir loos de'it Ó hanorin
Kristu, Ó hakarak ha'u hadomi ha'u maluk sira
Maibé hadomi loloos de'it Ó.

Kristu, Ó hadomi to;o fó an ba mate
Tan de'it hakarak ami ema nia di'ak
Kristu, Ó hadomi to'o saran ó an rasik
Atu hatudu mai ami domin nia kbiit.

Parte III – «Hametin imi-nia fuan sira» (Tg 5, 8)

Rona Maromak nia Liafuan (Tg 5,7-15)

«Ne'e duni, maun alin sira, pasiénsia bá to'o loron Na'i hiit an mai. To'os -na'in hein rai ne'e nia fuan folin liu, hodi hein ho pasiénsia to'o udan uluk no udan ikus habokon nia. Imi mós pasiénsia bá; hametin imi nia